

**ΚΡΑΤΙΚΟΝ ΙΝΣΤΙΤΟΥΤΟΝ ΚΑΠΝΟΦΙΤΙΑΣ
ГОСУДАРСТВЕННЫЙ ИНСТИТУТ ТАБАКОВЕДЕНИЯ**

ΤΜΗΜΑΝ ΜΑΖΙΚΗΣ ΠΙΡΑΜΑΤΙΚΟΤΗΤΑΣ
ΚΕ ΡΑΤΣΙΟΝΑΛΙΖΑΤΣΙΑΣ

ΑΡ. 13

Ονταν προσελκίσκυνταν τα πλατέα μάζας ζιν εφε-
βρετικότιταν κε ζιν ρατσιοναλιζάτσιαν θα αγλι-
γορέβομε το πέραζμαν ασι χειρι τιν δυλλίαν σε
μηχανις τιν δυλλίαν.


**ΤΑ ΒΛΑΒΕΡΑ ΖΟΪΦΙΑ ΤΙ ΚΑΠΝΥ ΣΟ ΧΟΡΑΦ
ΚΕ ΠΟΣ ΝΑ ΠΟΛΕΜΥΜΑΤΑ**

Τα βλαβερα ζοΐφια τον φιτίον φέρνε κάθαν χρόνον
πάρα πολα μεγάλον ζεμίαν σο αγροτικον νικοκιρίον· ατο ε
ζεμία λογαριάετε πως εν κάμποσα δεκάδες εκατ. ρύθλια.

Ο καπνον επίσις έχι τα βλαβερα τα ζοΐφιαθε κε
τα ζεμίας ντο δίγνε ατα τα βλαβερα ζοΐφια ίνε παρα
πολα επεσθιτα, επιδι ολ εκσέρνε, πως για τον καπνον
εκσοδιάσκυνταν πολα χριματικα μέσα κε εργασίαν.

Ο σκοπος τάφτινεθι τι φιλάδας εν να δίγομε στι-
χιόδικα γνώσις για τα βλαβερα ζοΐφια τι καπνυ κε για
το πως να πολεμούματα.

Οζίμαγια σόβκα. Τιν άνικσιν τιν νίχταν πετα
έναν ιδιέτερον πεταλύδαν—ι οζίμαγια σόφκα. Τ' εμπρο-
στινα τα φτερατς ίνε ποζοτα-σαχταροτα ίτε ποζοτα μά-
θρα με τρία λεκέδες· τ'οπισ τα φτερα ίνε σχεδον άσπρα
με ποζοτα ταμάρια. Αφτο ι πεταλύδα σόλεν τον κερον
ντο ζι γενα εκαν 200 αβγα· κε το παραπαν γενά-τα
απαν σα αγριοχόρταρα. Αςάφτα τα αβγα ίστερα απο
8-12 ιμέρες εδγένε κάμπας (γύσενιτσι).



Σο πρότον κερν αφτα τα κάμπας θρέφκυνταν με τα φίλα εκίνον τον φυτον, όπου απαν εκσίθαν ασ'αθγα κε ζυν ανιχτα. Ιστερότερα, όταν τα κάμπας μεγαλόνε, περύνε σα κυλτύρνι τα φίτα. Το νεοντιακον ο καπνον θλάφκετε διπλα: τα κάμπας τρόγνε τα φίλα σιν επιφάνιαν τι χοματι κε γριντσανίζνε το κυντσιν συμα σι ρίζας τι γύλαν· σα μεγάλα τα φίτα τα κάμπας γριντσανίζνε τα κυντσία. Τα χτιπεμένα ασιν σόφκαν φίτα μαρένυνταν, κρύι οπισ το τράνιμαν-ατυν, κε ιστερότερα όλος διόλυ χάνταν.

Το ιλικιομένον ι κάμπι τι οζίμαγια σόφκας έχι χρόμαν χοματι λερον-ποζοτον κε έχι μάκρος 5 σαντίμετρα. Απιμάκρια σιν ράσσαν-αθε περυν τρία σκύρα γραμας. Τα κάμπας θλάφνε τιν νίχταν· τις ιμέρας κρίφκυνταν σο χόμαν, όπου επορι να εδρίκιατα κανις, εαν αχταλεβ ολίγον ολόγερα σα χτιπεμένα τα φίτα.

ΠΟΣ ΝΑ ΠΟΛΕΜΥΜΕ ΤΙΝ ΟΖΙΜΑΓΙΑ ΣΟΦΚΑΝ

1.) Πρεπ να καταστρέφκυνταν όλια τα αγροχόρτα εμ σιν πλαντάτσιαν εμ σα γιτονικα τα τραφία (μεζζνίχι) 2) Τα κάμπας επορυν να καταστρέφκυνταν με φαρμακομένα δολόματα.

Για να ετιμαζ κανις δόλομαν για έναν εχταρ, περ 110 κιλα χαρότον (πυρακ) κε ετφάγιατο κοματόπα-κοματόπα σον ριζοκόφτεν (κορνερέζκα). Ιστερότερα πέρνε 800 γραμάρια παρισινον πρασινάδαν (παρίζζεσκαγια ζέλεν) εφτάγνατο διάλισιν σε ολίγον νερον κε ανακατόνατο σε 1 θέτρον αρσομένον σιροπ (σε $1\frac{1}{2}$ θέτρον σιροπ πέρνε $1\frac{1}{2}$ νερον). Με το μίγμαν νιο εδγεν ασατο κσίνε απαν σο χαρότον αετς όστε όλια τα κομένα τα χαρότα να σκεπάυνταν με πρασινάδαν. Απόδραδισ, προτυ να θασιλεβ ο ίλεν, τα δολόματα ταυτέφκυνταν απες σο χοραφ.

Το παριζινον ι πρασινάδα εν δυνατον φαρμακ για τα ζόα καθος κε για τον άνθρωπον κε αφτο πρεπ να έχιατο κανις ιπόπσιν ονταν κυλανέθιατο για δόλομαν σα θλαθερα ζοίφια τυ καπνυ. 3) Σιχνα μαζέθνε τα κόμπας με τα χέρια αποπυρνυ ίτε αποθραδισ· γιρίζνε ολόγερα σα χτιπεμένα· τα φυτα κε μαζέθνατα. 4) Τα πεταλύδας τι οζίμαγιας σόφκας επορι να πιάνιατα κανις με το σιροπ, όπου απες φυρκύνταν. Για αφτο τον σκοπον θάλνε σε κάμποσα μέρι τι χοραφι εκαφιδόπα με σιροπ αρεομένον με νερον (εκσιμισίας). Κερίνε απες σο σιροπ προζιμ για να αφρίζ (να γίνετε ζίμοσι) αηλιγορότερα.

Το σιροπ τραβά τα πεταλύδας με την μιροδιαν-αθε.

ΤΟ ΛΑΚΟΤ (ΜΕΤΒΕΤΚΑ)

Σα νότια, σα θερμα τα ραγιόνια το λακοτ θλαφτ όχι μόνον σα ρασάτνικα, αλα κε σα χοράφια. Τα λακότια ανίγνε τριπία απες σο χόμαν κε γριντσανίζνε τα ρίζας τι καπνυ.

Σα νεοντιακα τα φυτα τι καπνυ το λακοτ γριντσανίζ τα ρίζας κατα 1-2 σαντίμετρα αφκα ασιν επιφάνιαν τι χοματι· κάποτε το λακοτ σιρ απες σο τριπίν-αθε ολόκληρον το φυτον κε τρώγιατο.

Ονταν ίνε μεγαλύτερα τα φυτα γριντσανίζ τᾶκρας ίτε γριντσανίζιατα πέρα-πέρα.

Εαν το φυτον εφραγέθεν αποφακ ασιν επιφάνιαν τι χομάτι κε φένταν οριζόντια τριπία σο χόμαν—επορι κανις χορις λάθος να λεί ότι αδακα εν λακοτ το οπίον φερ αφτα τα ζεμίας.

ΠΟΣ ΠΟΛΕΜΙΕΤΕ ΤΟ ΛΑΚΟΤ

Ας όλον το καλίον εν να ετιμάγουνταν φαρμαχομένα δολόματα με παριζινον πρασινάδαν κε μισσακ (πεντικο-

θότανον). Για αρτο τον σκοπον πέρνε 3 αλεβρ κε 1 πρα-
σινάδαν (σοβάρος διλ. αν εν ι πρασινάδα 100 γρμ. το αλεβρ
θα εν 300 γραμάρια). Ανακατόνε το αλεβρ με τιν πρασι-
νάδαν κε κρύγνε απαν ολίγον νερον κε σιμιτζκέλαδον.
Ασο ζυμαρ ντο πέρχετε εφτάγνε λίντζια οσον έναν νο-
χυτ. Εάν κυλανεβ κανις μσσακ, ετότες περ καλαμπουκ
θράζιατο οσπυ να μαλακον κε ιστερότερα ανακατίετε
μσσακ με το εκσις λογαριαζμον: 16 κιλα καλαμπουκ κε
800 γραμάρια μσσακ· αρτο το μίγμαν θράζνατο εκνέυ.

Τα λίντζια με τιν πρασινάδαν κε τα φαρμακομέ-
να τα καλαμπύκια ταυτέφκυνταν σο χοραφ σα ριάτκας
τι καπνυ.

ΠΡΟΒΟΔΟΤΣΕΝΙ ΤΖΕΡΒ (ΤΕΛΙ ΣΚΟΛΕΚ)

Σον καπνον σιχνα φέρνε μεγάλον θλάδιν λεγνα, σπιχτα
σκολέκια, 2 σαντίμετρα σο μάκρος, τα οπία ονομάζνατα
τελι σκολέκια: αφτα ίνε κάμπας τσιχρίτε με κατριλο-
τον ίτε με μάδρον χρόμαν. Τα κάμπας τι κατριλοτου
τσιχρίτε έχνε κιλινδρικον σχίμαν, το χρόμαν-ατον εν
κσανθο-κίτρινον, σιν άκραν ίνε κιάλο στενα. Τα κάμπας
τι μάδρου τσιχρίτε ίνε ολίγον πλακυτσα, περισότερον κσανθα
κε με δύο δοντοτα παραφιάδας (οτρόστοτски) σο τέλος.

Αφτα τα κάμπας τρώγνε τα ρίζας εμπένε απες
σο κυντσιν (στελιν) σα νέα τα φιτα κε τρώγνατα απο-
πες. Τα κάμπας αφτονον τι τσιχριτίον ζώνε σο χόμαν
3-4 χρόνια κε ίστερα γίνταν τσιχρίτια· κε για τατο ο
πόλεμος εναντίον σ'ατα εν πολα δίσκολον.

Αχόμαν κεθρέθαν τιύτα μέτρα πολέμου εναντίον
σ'αφτα τα ζοίφια, πυ να κιδιανέφκετε κανις.

Σιστενε, λογοχάριν, να αχταλεβ κε θαλ κανις
απες σο χόμαν δολόματα (γέμια) απο κομάτια καρτοφ,
κε ιστερια απο 2 όρας να μαζεβ ασο χόμαν τα σκολέ-

χια ντο θα μαζέφκυνταν ολόγερα ς'αφτα τα καρτόφια. Επίςις ςιστένε να φαρμαχύτε το χόμαν με σερουγλεροτ.

Κάποτε ςον καπνον φέρνε μεγάλον ζιμίαν τα κάμπας τι τσιχρίτε ντο έχι μάδρον ςόμαν. Αφτα ίνε ςχεδον κιλινδρικά κε ςπιχτα, κσανθα με ανιχτο χρόματος τιν άκραν-ατυν. Αφτα τα κάμπας απομένε ας'απαν το μέρος τι χοματι κε τρόγνε κε γριντσανίζνε τ'αφκα γις τα μέρι τι φυτο τι καπνο. Ας'ατο το φυτον μαρένετε κε ρυζ. Ακόμαν κ'εδρέθαν μέτρα πολέμου εναντίον ς'αφτα τα θλαθερα ζοίφια.

ΛΥΓΟΒΟΙ ΜΟΤΙΛΙΟΚ (πεταλύδα τι κάμπο)

Ι κάμπι τ'αφτινεθι τι πεταλύδας αν κε κ'έν ιδιέτερον θλαθερον ζοίφιον τι καπνο, αλα κάποτε, ςα χρόνια οπόταν περιρεβ μαζικα θλαφτ κε τον καπνον.

Τα πεταλύδας πετυν τον Μαίον ςα φιτρομένα τα μέρια κε αφίνε τ'αβγά-τυν ςα αγροχόρταρα· ιστερότερα ασα αβγα εβγεν το πρότον ι γενεα τα κάμπας. Για τον καπνον εν επικίνδινον το δέφτερον ι γενεα τα κάμπας διλαδι τα ιλικιομένα τα κάμπας τα οπία απαν αφκα φένυνταν ςα τέλι Ιυλίυ· αφτα τα κάμπας ίτε τρόγνε τον καπνον, ίτε τριπένιατο, ίτε γενικα χαλάνατο.

Το ιλικιομένον ι κάμπι έχι μάκρος 2 ςαντίμετρα ασαπαν το μέρος το χρώμανατς ςκυρον ςταχτερον, κε ασαφκα το μέρος πρασινοτον· το κιφάλνατς εν μάδρον ςιν ράςσαν απαν έχι μάδρον τζιζιν, κε ςα γιάνια κίτρινα τζιζία.

Εναν ασα μέτρα να πολεμίνυνταν αφτα τα θλαθερα ζοίφια εν το άχπαγμαν κε ι καταςτροφι τον αγροχόρταρον. Οταν φένταν ςυμα ςιν πλαντάτςιαν μεγάλον ποςον κάμπας, πρεπ να γίνταν ςυμα ςιν πλαντάτςιαν προφίλαχτικα κανάδας 35 ςαντίμετρα ςο πλά-

τος κε σο βάθος με κάθετον τυβάρ ασο μέρος τι καπνυ.
Σον πιθμέναν τι κανάδας πρεπ να γίνταν κυόπα σε
απόστασιν 7-8 μέτρια τ'έναν το κυιν ασ'άλο.

Γίνετε επίσης να τζαντίωνταν τα γιτονικα με τον
καπνον (όχι όμως ο καπνον), κυλτύρας τι χοραφι κε
τα τραφία, με φαρμακομένον ιγρον· αφτο το ιγρον
εφτάγνατο απο 16 φύντια χλορίστι πάρι κε $1\frac{1}{2}$ φυντ
καρτοφι εμποπ σε 10 θέτρια νερο.

ΤΟ ΠΑΣ ΤΙ ΚΑΠΝΥ (ΤΡΙΠΣ)

Κάποτε, σα κσερα τα χρόνια, σα φίλα τι καπνυ φέ-
νετε το λεγόμενον «πας» (τεμίρπας). Ονταν χτιπιέτε ο
καπνον ασό πας, φένταν λεκέδες απαν σο φίλον
ολόγερα σα ταμάρια.

Κε εκσετίας τ'ατινεθι ο καπνον χάτε, κε το πε-
ρισον πάι, σα κατότερα ζόρτια.

Το πας εφτάγιατο ιδιέτερον έντομον—τρίπς. Το
ιλικιομένον το τριπς έχι μάκρος άντζακ 1 μιλίμετρον.
Τα θελκα τι τριπσι γενυν τ'αβγά-τυν σα φίλα τι κα-
πνυ· το καθέναν θελκον τριπς γενα σ'όλεν τιν ζοίν-αθε
10 αβγα, ασα οπία εδγένε σα 3-5 ημέρες απαν μικρα
κε χορις χρώμαν (ρενκσύζκα) κάμπας, τα οπία σα 10
19 ημέρες—κατα κε τον κερων—μεγαλόνε κε επορυν
υζζε να γενυν αβγα κε να πλεθίνε.

Το τριπς επορι να εβρίετε απαν ζον καπνον κε
να πλεθιν ασιν άνικσιν ος τά μοθοπορνα τα παγοςίας.
Ενορις τιν ανικσιν το τρίπς περα ασα αγροχόρταρα
σιν ρασάταν τι καπνυ κε απεκι εντάμαν με τιν ρασάταν
μεταφέρκετε σο χοραφ. Αλόμος το μόλιζμαν τι καπνυ
ασο τρίπς επορι να γίνετε με τον ίδιον τρόπον κε
κατεφθίαν σο χοραφ.

Το τριπς θρέφκετε με το ζομιν τι φιλι, κε τρι-
πένιατο ζυμα σο ταμαρ. Τα μέρια ντο εχτιπέθαν έχνε
λερον χρώμαν με κσανθον ίτε σχύρον σαριν σκιαν. Τα
πασλία τα φίλα τι καπνυ έχνε άσσκεμον, λογισ-λογιον
χρώμαν, το οπίον φιλάγετε ζον καπνον κε ίστερα ασο
κσερίεμαν πα.

Πός να πολεμύμε το τριπς; Πρεπ να καθα-
ρίυνταν προσεχτικά τα ρασάτνικα ασα αγροχόρταρα·
επίσις πρεπ να καθαρίυνταν καλα-καλα τα αγροχόρταρα
ασο χοραφ όπου θα φιτέφκετε ο καπνον. Πρεπ σιστιμα-
τικά να γίνετε ο πόλεμος εναντίον σα αγροχόρταρα,
αρχίζοντας ασιν αρχιν τι άνικσις.

Οζον επορι κανις πρεπ να αποφεβ το φίτεμαν
ζυμα σα ρασάτνικα κε τα πλαντάτσιας τι καπνυ, τι
καρτοφι, τι κρομιδι, τι τομάτας, επιδι σ'αφτα αναπτίετε
το τριπς.

ΚΑΠΝΟΦΤΙΡΑ (ΤΑΠΑΤΖΝΑΓΙΑ ΤΛΙΑ)

Αφτο εν πολα μικρον έντομον (μικρότερον ασο
κοκιν τι κενχρι—πρόζο) κε θλαφτ πολα τον καπνον
εαν πλεθιν πολα. Αφτο ι φτίρα έχι φυσκομένον σχίμαν
όπος οδυ, κε σχύρον χρώμαν με πράσινον ριζύνηαν. Σο
διάστιμαν τι χαλοκερι ι φτίρα δι εναν ζορον γενεας. Τα
αργότερα τα γενεας έχνε φτερα κε έφκολα ταυτέφ-
κονταν σα πλαντάτσιας τι καπνυ. Αφτο ι φτίρα τιχεν
κε σα άλα φιτα.

Αφτο ι φτίρα θλαφτ με το να διζαν το ζομιν
ασα φίλα κε με αφτο εμποδιζ το τράνιμαν κε το
έφταζιμαν· εκζον ατο λερον τον καπνον με το ιγρον
ντο εδγαλ αποπέσαθε κε το οπίον σιμπιαν κε εν γλικιν
κε σ'ατο απαν κάθετε σκόνι ίστερότερα σ'φτη απαν

τεριατέφχετε έναν ἴδος γριποκ (κυκυδάκ) το οποίον
 ρεκεπαζ τα φίλα τι καπνυ οσαν με μάθρον μανέαν.

Το χτιπεμένον ασιν φτίραν ο καπνον εκσον ντο
 έχι άςσκεμον θορέαν έχι κε πολα αντιπαθιτικον γέφσιν
 κε μιροδιαν ίστερα ασο κσερίεμαν κε γιατατο χαν
 κάθε ακσίαν οσαν καπνος· κάποτε ο καπνος ντο χτιπίετε
 πολα ασαφτο τιν φτίραν, κσάι κι μαζέφχετε ασο
 χοράφ.

Πος να πολεμίετε ι καπνόφτιρα; Πρεπ
 εμ σα ρασάτνικα εμ σο χοραφ να αχπάγουνταν ζίριζα
 τα αγροχόρταρα κε να καθαρύουνταν καλα-καλα. Κε
 αφτο το καθάριζμάν τον αγροχόρταρον πρεπ να γίνετε
 ριστιματικά απενορις τιν άνικσιν προτυ ακόμαν να
 φιτέφχετε ο καπνον. Πρέπ να στοςσεβ κανις προσεχτικά
 γιαμ φένετε φτίρα σα φίλα τι καπνυ κε καταστρέφιατο.

Ι φτίρα τρεσσ ς'αφα το μερως τι φιλι. Αμα κε
 φιτέφχετε ο καπνος σο χοραφ πρεπ να στοςσέφχετε να
 μι έχι φτίρας. Τά φίλα ντο έχνε φτίρας πρεπ να
 κόπυνταν να φέρκουνταν μακρα ασο χοραφ κε να κέυνταν
 Εαν μερικα φιτα ίνε ολόκλιρα χτιπεμένα ασιν φτίραν
 πρέπ να αχπάουνταν ολόκλιρα. Σα πλαντάτσιας ντο
 αρδέφκουνταν πρεπ να φροντιζ κανις να μι δι με το
 παραπαν νερον για να μι νιαζικλαεβ ο καπνον.

Εαν θα φιτεβ κανις καπνον σο ἴδιον μέρος
 όπου εφίτεπσεν κε τ'εμπρι τον χρόνον, ατότε εαν το
 χοραφ ετον χτιπεμένον ασιν φτίραν πρεπ ίστερα
 ασο μάζεμαν τι φιλι να κόπυν κε κυθαλύνταν μακρα
 τα πατίλια κε να κέυνταν.